

১৬-০৭-১৮ প্রাতঃ মুরলী ওম্ শান্তি "বাপদাদা" মধুবন

"মিষ্টি বাচ্চারা - কোনো বিকর্ম করে লুকিও না, লুকিয়ে যারা সভায় বসে, তাদের অনেক দণ্ড ভোগ করতে হয়, তাই সাবধান, বিকারের সামান্য ভুলও যেন না হয়"

প্রশ্ন :- কোন লক্ষ্য সামনে রেখে পুরুষার্থকে সদা সামনে এগিয়ে নিয়ে যেতে হবে ?

উত্তর : -- লক্ষ্য হলো -- আমাদের সুপুত্র হয়ে মাতা - পিতার হৃদয়াসনে আসীন হতে হবে । প্রতি পদে বাবাকে অনুসরণ করতে হবে । এমন কোনো চলন রেখো না যাতে কুল কলঙ্কিত হয় । এমন সুপুত্ররা নিজেদের যাত্রী মনে করে যাত্রায় সদা তৎপর থাকে । যাত্রীরা কখনোই যাত্রায় পতিত হয় না, যদি কেউ বিকারের বশীভূত হয়ে যায় তাহলে চূর্ণ হয়ে যায়, সর্বনাশ হয়ে যায় । তখন তারা খুবই দুঃখী হয় ।

গীত :- শৈশবের দিন ভুলে যেও না, আজ হেসে কাল অশ্রু ফেলো না ....

(প্রথম বাবার যখন হলে সেই সব দিন ভুলে যেও না)

ওম্ শান্তি । এই গীত বাচ্চাদের জন্যই । মাম্মা - বাবা বলে যদি বিকারে যাও তাহলে মনে করবে মরে গেছো । এই লক্ষ্য খুবই সাবধানের । আমি সেই পরমপিতা পরমাত্মার সন্তান এবং আমিও বিচিত্র (বি-চিত্র = আত্মা) । যখন ওখানে ছিলাম, তখন আমারও বাস্তবে কোনো চিত্র ছিলো না । এরপর চিত্র ধারণ করে ৮৪ জন্ম ভোগ করে এখন আমরা ঈশ্বরের কোলের সন্তান হয়েছি । নিজেকে ঈশ্বরের কোলের সন্তান নিশ্চিত করে যদি আবার বিকারে যাও তাহলে মৃত্যুতুল্য হবে । এ তো বুঝতেই পারো যে, বাবা যেমন সুখ দেন তেমনি ধর্মরাজের দ্বারা সম্পূর্ণ হিসাবও নেন । বাবা কখনো দুঃখ দেন না । তিনি তো সুখদাতা কিন্তু বাবা বুঝিয়েছেন -- গভর্নমেন্টও যেমন আছে তেমনি তার সাথে চিফ জাস্টিসও আছে যারা উভয়েই প্রতিজ্ঞা করায় । এই ভগবান নিজেই বলেন, যদি তোমরা বিকারের কারণে পতিত হয়ে না শোনাও তাহলে শত গুণ দণ্ড ভোগ করতে হবে । বাবার বাচ্চা হয়ে যদি লুকিয়ে নরকের দ্বার হও আর বাবাকে যদি খবর না দাও তাহলে একদম মৃত্যু তুল্য হয়ে যাবে, তখন যতই পুরুষার্থ করো না কেন বিজয় সম্ভব নয় । বাবা সাবধান করছেন । অনেক বাচ্চা আছে যারা লুকিয়ে রাখে । বিকারে যাওয়া অনেক বড় পাপ । তা লুকালেই মৃত্যুতুল্য । এমন বাচ্চা না হলেই ভালো । কোনো বাচ্চা যদি কুপুত্র হয় তখন বাবা তো বলেন ---এর থেকে মৃত্যু ভালো । এমন যদি কেউ বুঝতে না পারে তাহলে এই বাবা খোড়াই জানতে পারবেন । যদিও এই ব্রহ্মা বাবা বাইরের সব কিছু জানেন, ইনি জানতে পারেন না কিন্তু ওই বাবা তো ভালোভাবে সবই জানেন । বাবা বলেন, আমাকে সুখ দান করতে হবে । শাস্তি প্রত্যেকেই তার চলন অনুসারেই পায় । বাবা সবাইকেই এই কথা বলেন । এতে নারীদের খুব সাবধান থাকতে হবে । কখনোই মিথ্যে কথা বলবে না । বাবা পুরুষের থেকেও নারীর প্রতি বেশী দয়ার ভাব রাখেন কারণ নারীর ওপর অনেক অত্যাচার হয় । বাবা এসে মায়েদের ওপর কলস রাখেন, তাই মায়েদের অনেক দায়িত্ব । বাবা ক্রোধের জন্য এত বলেন না যত না বিকারের জন্য । বাস্তবে কোনো পতিতই এই সভায় বসতে পারে না । কোথাও আবার পতিতদের সাথে মিলিতও হতে হয় । ধনী লোকেরা বেশী মাত্রায় পতিত হয় কারণ তাদের কাছে অর্থ থাকে তাই মায়েরাও ডাকতে থাকে যে নগ্ন হওয়ার হাত থেকে রক্ষা করো । এখানে সবাই

দুঃখী । মায়েদের ডাক শুনেই বাবা আসেন । মায়েদের খুব সাবধান থাকা উচিত । নামও মায়েদেরই হয় -- পোখরাজ পরী, নীলম পরী...।

বাবা সাবধান করেন -- এখানে অসুর থেকে দেবতা বানানো হয় । পতিতকে অসুর বলা হয় । এই সমস্ত দুনিয়াই পতিত এবং আসুরী । পতিত দুনিয়ায় কেউই পবিত্র হয় না । সন্ন্যাসীদের জন্যও বলা হয়েছে যে, তাঁরাও দেবতাদের মতো পবিত্র নন । তাঁরা পবিত্র থাকেন, তবুও এই পতিত দুনিয়াতেই থাকেন । তারা হলেনই নিবৃতি মার্গের । সত্যযুগে সবাই পবিত্র এবং নির্বিকারী ছিলো । তোমরা এখানে এসেছ সম্পূর্ণ পবিত্র হওয়ার জন্য কেননা এই দুনিয়া হলো সম্পূর্ণ পতিত । এখানে একজনও পবিত্র নেই । ত্রেতাকেও দুই কলা কম বলা হয় । সত্যযুগে হলো ১৬ কলা, ত্রেতায় দুই কলা কম হয়ে যায় । বাস্তবে ত্রেতাকে স্বর্গ বলা হবে না । সত্যযুগই হলো স্বর্গ । বাচ্চারা, তোমাদের সত্যযুগের জন্য তৈরী হতে হবে । বিকারে গেলে স্বর্গে আসতে পারবে না । মূল বিষয়ই হলো পতিত হবে না । শিববাবা তো সবই জানেন, তবুও এক - এক জনকে কতো আর জিজ্ঞেস করবেন । অপবিত্র হয়ে লুকোলে অনেক বড় সাজা ভোগ করতে হবে । টাইবুনাংল বসে, তখন এই বাবাও বসবে । ধর্মরাজও এসে বসবে । তখন ধর্মরাজ বলবে - তুমি অমুক সময় বিকারে গিয়েছিলে আর সত্য এসে বসেছো । আমাকে বলো নি তাই এখন সাজা ভোগ করো, তাই বাবা বলেন - খুব সাবধান থাকতে হবে । কখনোই বিকারে গিয়ে এখানে এসে বসতে পারো না । এমন অনেকেই সেন্টারে এসে বসে । বাবা জানেন যে, কেউ যদি এমনভাবে বসে তাহলে যে কোনো সময় অসুর হয়ে বিঘ্ন সৃষ্টি করতে পারে । তখন তারা বিশ্বাসঘাতক হয়ে যাবে । হাঙ্গামা করতে লেগে যাবে । একে বলা হয় পতিত রাজ্য, কাঁটার দুনিয়া । এখানে তো রাজা - রানী নেই । এখানে যেমন বড় মিনিস্টার তেমন প্রজা । তারা এইসব কথা বুঝতেও পারবে না । সত্য বাবার সামনে স্বচ্ছ হওয়া উচিত । সত্য মনে সাহেব খুশী হয় । তিনি বুদ্ধির তালা খুলে দেবেন । স্বচ্ছ হৃদয় না হলে তিনি তালা খুলবেন না । তখন তোমরা দ্বিধায় পড়ে যাবে । তখন বিঘ্ন আসতে থাকবে তাই বাবা বোঝাতে থাকেন । শাস্ত্রেও লেখা আছে যে, ইন্দ্রপ্রস্থে শয়তান এসে লুকিয়ে বসে যেতো । এখানে অথবা সেন্টারে তো এমনই এসে বসে যায় । তারা দেখবে যে কি আছে এখানে তারপর কন্যাদের দেখতে থাকবে তখন মনে চঞ্চলতা আসবে ।

এখন বেহদের বাবা এসে বাচ্চাদের বোঝান, এ কথা দুনিয়ার কেউ জানে না । গীতায় বাবার পরিবর্তে কৃষ্ণের নাম দিয়ে দিয়েছে । ভগবান তো নিজেই জ্ঞানের সাগর, তিনি বসেই বোঝান । ওই বাবাকেই তোমাদের স্মরণ করতে হবে কারণ এখন ঘরে ফিরে যেতে হবে । এখন তোমরা স্মরণের যাত্রায় আছো । তীর্থ যাত্রায় কেউ কখনো বিকারে যায় না । এ হলো লম্বা যাত্রা । যতক্ষণ বেঁচে আছো ততক্ষণ যাত্রায় থাকবে । এই যাত্রায় চলতে চলতে যদি বিকারে যাও তাহলেই চূর্ণ হয়ে যাবে । এই খেয়াল রাখতে হবে যে, আমরা যাত্রায় আছি, বিকারে যাবো না । আজকালকার দুনিয়া তো খুবই খারাপ । তীর্থস্থানেও পান্ডারা খুবই খারাপ হয় । বাবা খুবই অনুভবী । তাই বাবা এসে সবথেকে বেশী কন্যাদের আর মায়েদের তুলে ধরেন । জগদ অম্বা শক্তিসেনা নামের গায়ন আছে । বাবা বোঝান যে, এই খেয়াল রাখতে হবে যে - যেমন কর্ম আমরা করবো, আমাদের দেখে অন্যেরাও তাই করবে । যদি বি.কে.তেও কোনো বিকার, দেহভাব বা লোভ ইত্যাদি হয় তাহলে সেবা করতে পারবে না । তখন পাস করতে পারবে না, জিজ্ঞাসু আর অখুশী হয়ে যায় । ব্রহ্মাকুমারীরা যদি ভালো হয় তাহলে ভালোভাবে সেবা করতে পারবে । যারা ভালো সেবা করে তারা মহারাজা - মহারানী হয় । যারা কম সেবা করে তারা মহারাজা - মহারানীদের দাস - দাসী হয় । লক্ষ্মী - নারায়ণের কাছে দাস

- দাসীরাও তো থাকবে, তাই না। তারা তো রাজা - রানীদের সঙ্গেই থাকে। এখানে তোমরা মানুষ থেকে দেবতা হও। তোমরা এখন স্মরণের যাত্রায় আছো। এই যাত্রাকে যদি ভুলে যাও বা সুইট হোমকে যদি ভুলে যাও তাহলে মায়ার থাপ্পড় খুব জোরে লাগে। তোমাদের অনেক পুরুষার্থ করতে হবে। বিকার থেকে নিজেদের রক্ষা করতে হবে। এখানে কোনো কথাই লুকানো যায় না। শিববার কাছে কিছুই লুকানো যায় না। সাজা তো তাঁকে দিতেই হবে।

বলা হয় -- পিতা - মাতাকে অনুসরণ করো। পিতা খোড়াই এমন কিছু বলবেন। বাবার কাছে অনেকেই আসেন, বাবা কথা বলেই বুঝতে পারেন যে, এ পতিত। খুব কম জনই পবিত্র থাকতে পারে। সন্দেহ হয়, তাই মুরলীতেই বোঝানো হয়। অনেকেই আছে যারা লুকিয়ে রাখে। এই যাত্রায় বিকারে যাওয়া খুবই খারাপ। তোমরা তখন বিজয় মালায় গ্রথিত হতে পারবে না। তোমরা চাও যে, আমরা সূর্যবংশী হই, তাহলে যাত্রায় কখনো অপবিত্র হবে না। আমরা স্মরণের যাত্রায় আছি, এ কথা বাচ্চারা ভুলে যায়। কেউ কেউ তো সারাদিনে এক ঘন্টা বা আধ ঘন্টাও স্মরণ করে না। বাবার স্মরণে থাকা খুব মুশকিল। তখন রয়্যাল ঘরানায় গিয়ে দাস - দাসীর পদ পায়। তোমরা পুরুষার্থ করে পিতা - মাতার হৃদয় - আসনে বিরাজ করে দেখাও। নাহলে বাবা বলবেন, এ কুপুত্র, যে ঠিক রীতিতে চলে না। তোমরা ব্রাহ্মণরা যাত্রায় আছো, যদি কেউ এমন চলন করে কুলে কলঙ্ক লাগায় তাহলে অনেক সাজা থাকে। জন্ম - জন্মান্তর তো গর্ভ জেলে ছিলে। এই সময় সমস্ত মানুষ তো জেল ওয়ার্ডে আছে। প্রতি মুহূর্তেই তারা সাজা খায়। তোমাদের তো এখন গর্ভ মহলে যেতে হবে। তাই কতো পরিশ্রম করা উচিত। তোমরা যেখানেই থাকো না কেন, সে ট্রেনেই হোক বা কোনো যাত্রাতেই হোক, তোমাদের স্মরণে থাকতে হবে। সবাই তো এই কথা বলে - আমরা লক্ষ্মী - নারায়ণকে বরণ করবো। তাই এমন হয়ে দেখাও। পদ না পেলে বাকি আর কি করলে! বাবা সবাইকে সাবধান করে দেন। বাবার কাছে যখন আসো, বাবা তখন খুব ভালোভাবে হেসে বুকিয়ে দেন। কারোর মধ্যে তো মোহের পোকা এতখানি যে বাঁদরের মতো। মিত্র - সম্বন্ধীদের থেকে বুদ্ধিমোগ ছিল হয়ই না। যারা অপবিত্র হয়ে বাবাকে লেখে - বাবা, আমরা হেরে গেছি, কামের গর্তে পড়ে গেছি। চূর্ণ হয়ে যাচ্ছি। বাবা তখন সাবধান করতে থাকেন - তোমরা যাত্রায় আছো। এখানে কাম বিকার থাকা উচিত নয়। না হলে খুবই দুঃখী হবে। বাবার থেকে বৈকুণ্ঠের অবিনাশী বর্ষা নিতে হলে এমন ভুল করেও নিজের সর্বনাশ করো না। কাম হলো মহাশত্রু। এ আদি - মধ্য - অন্ত দুঃখ দেয়। মৃত্যুলোকে সবাই আদি - মধ্য - অন্ত দুঃখ ভোগ করতে থাকে। সত্যযুগকে অমর লোক বলা হয়। অমরনাথ শিববার থেকে কথা শুনলে তোমরা বাদশাহী পাবে। বৃদ্ধারা আর কন্যারা বিকারের হাত থেকে বেঁচে গেছে, বিধবারাও অনেক ভাগ্যবতী। পতিদেরও পতি হলেন শিববাবা। এই ঈশ্বরীয় পাঠশালায় এসে তোমরা যদি মুরলী শোনো তাহলে নতুন নতুন কথা শুনতে পাবে। বেহদের বাবা যখন স্বর্গের পবিত্র দুনিয়ার মালিক বানাচ্ছেন তখন চটে করে পবিত্র হওয়া উচিত, তাই না। ধাক্কা খেতে থাকলে বা বিষ পান করতে থাকলে ধারণা হবে না। এতে সোনার পাত্রের প্রয়োজন। বাবাকে নিরহংকারী হয়ে পতিত দুনিয়ায় আসতে হয়। আমাদের কেবল বাচ্চারা ই জানতে পারে। তাদের মধ্যেও কাউকে মায়া নাক ধরে ফেলে দেয়। তারা সম্মান রাখে না। অহো, ভগবান আমাদের পড়াচ্ছেন। আমরা কতো ভাগ্যবান। বাবা কত সাধারণের শরীরে বসে আছেন। বাচ্চারা, তোমাদেরও নিরহংকারী হতে হবে। তিনি হলেনই নিরাকার, দেহের অহংকার তাঁর থাকে না। তোমরাও তাই নিরহংকারী হও। আমি মৃত তাই দুনিয়াও আমার কাছে মৃত। আমাদের এখন বাবার

কাছে যেতে হবে । এই কবরস্থানকে কেন স্মরণ করবো । নিজের সঙ্গে এমন কথা বলতে থাকলে খুশীর পারদ চড়তে থাকবে আর সর্বদা প্রফুল্ল থাকবে ।

আমরা বাবার সাথে এই যাত্রায় আছি । বাবা আমাদের নিয়ে যেতে এসেছেন । এমন যেন না হয় যে, মায়া কান কেটে দিলো । তখন শুনলেও ধারণা হবে না । খুশীর পারদও চড়বে না । অনেকে দান করলে তোমরা অনেকেরই আশীর্বাদ প্রাপ্ত করবে । জ্ঞান মার্গে সবার সঙ্গে খুব মিষ্টি হয়ে থাকতে হবে । নুন - জল হবে না । বিকারী সম্বন্ধ এবং দৈবী সম্বন্ধে মুক্ত থেকে পালন করতে হবে । দুই দিকেই স্নেহী হতে হবে । বাবাও তাঁর সুপুত্রদের দেখে খুশী হন । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :--

১ ) এখন আমরা যাত্রায় আছি, এইজন্য খুব সাবধানে চলতে হবে । অবশ্যই পবিত্র থাকতে হবে ।

২ ) বাবার মতো নিরহংকারী হতে হবে । আমাকে বাবার কাছে যেতে হবে তাই সবার থেকে মমত্ব দূর করতে হবে । নিজের সঙ্গে কথা বলে সর্বদা প্রফুল্ল থাকতে হবে ।

বরদান : - দুঃখের চক্র থেকে সদা মুক্ত থেকে এবং সবাইকে মুক্ত করে স্বদর্শন চক্রধারী ভব

যে বাচ্চা কর্মেন্দ্রিয়ের বশবর্তী হয়ে বলে আজ চোখ, কান মুখ বা দৃষ্টি ধোকা দিয়েছে - ধোকা খাওয়ার অর্থ হল দুঃখের অনুভূতি হওয়া । দুনিয়ার মানুষ বলে - চাই নি তবু এর চক্রে এসে গেছি, কিন্তু যারা স্বদর্শন চক্রধারী বাচ্চা, তারা কখনোই কোনো ধোকার চক্রে আসবে না । তারা তো দুঃখের চক্র থেকে মুক্ত থাকে, আর সবাইকে মুক্ত করে, তারা মালিক হয়ে সর্ব কর্মেন্দ্রিয় দিয়ে কর্ম করায় ।

স্লোগান : - অকাল সিংহাসনে বসে নিজের শ্রেষ্ঠ ঐতিহ্যে থাকো তাহলেই কখনো চিন্তিত হবে না ।